



## **SOALAN LAZIM (FAQ'S)**

### **BERKAITAN PERINTAH KAWALAN PERGERAKAN PEMULIHAN (PKPP)**

### **JABATAN KESELAMATAN DAN KESIHATAN PEKERJAAN**

#### **BILANGAN 4**

**1. Adakah kursus kompetensi secara atas talian boleh dilaksanakan?**

Ya, dengan syarat kursus kompetensi secara atas talian tersebut mendapat kelulusan daripada JKKP dan dikendalikan oleh pusat pengajar yang diberi kebenaran oleh JKKP bagi melaksanakan kursus berkenaan.

**2. Apakah syarat-syarat yang perlu dipatuhi oleh pusat pengajar untuk menjalankan kursus kompetensi secara atas talian?**

Syarat-syarat yang perlu dipatuhi oleh pusat pengajar untuk menjalankan kursus kompetensi secara atas talian adalah seperti berikut:

- i. Jenis pembelajaran adalah gabungan *online live learning* dan sesi praktikal / lawatan tapak serta penilaian;
- ii. Modul dan bahan pembelajaran adalah sepertimana yang telah diluluskan sebelum ini;
- iii. Tempoh masa kursus dijalankan adalah 4 jam maksimum sehari (*online live*);
- iv. Jumlah keseluruhan masa kursus hendaklah mematuhi bilangan jam yang diperuntukkan (*learning contact hours*) sepertimana yang telah diluluskan sebelum ini;
- v. Jumlah maksimum peserta kursus adalah 15 orang;

- vi. Penilaian secara waktu sebenar (*real time assessment*) hendaklah dilaksanakan selepas tamat setiap topik pada hari yang sama. Contoh penilaian adalah tetapi tidak terhad kepada kuiz, pembentangan berkumpulan, pembentangan individu dan kerja kursus;
- vii. Latihan praktikal di lapangan dan lawatan tapak hendaklah dijalankan mengikut modul yang diluluskan dan mengikut SOP COVID-19 yang ditetapkan;
- viii. Tenaga pengajar yang dibenarkan adalah tenaga pengajar yang telah diluluskan sebelum ini;
- ix. Mematuhi jadual pembelajaran kursus setiap hari;
- x. Memberitahu JKKP dua (2) minggu sebelum kursus dijalankan;
- xi. Menjalankan, merekod dan menganalisis penilaian keberkesanan kursus selepas tamat kursus; dan
- xii. Mematuhi kriteria pemberian sijil peserta seperti berikut:
  - a. Sekurang-kurangnya 85% kehadiran atas talian secara langsung (*online live*);
  - b. Memperoleh sekurang-kurangnya 85% jumlah markah penilaian secara waktu sebenar (*real time assessment*) yang dinyatakan pada para vi;
  - c. Sijil hendaklah menyatakan bahawa kursus dijalankan secara dalam talian; dan
  - d. Lain-lain kriteria yang ditetapkan oleh pusat pengajar.

**3. Bagaimana cara untuk mendapat kelulusan JKKP bagi melaksanakan kursus kompetensi secara atas talian?**

Pemohon hendaklah membuat permohonan untuk menjalankan kursus kompetensi secara dalam talian kepada JKKP dengan mengemukakan maklumat seperti berikut:

- i. Salinan surat kelulusan sebagai pusat pengajar yang diiktiraf oleh JKPP bagi menjalankan kursus berkaitan;
- ii. Prosedur bertulis berserta carta alir menjalankan kursus atas talian;
- iii. Video demonstrasi kursus;
- iv. Jenis platform dalam talian yang digunakan (Perincian mengenai kesesuaian jenis kursus dengan pemilihan platform perlulah dinyatakan);
- v. Prosedur kawalan kehadiran peserta kursus;
- vi. Prosedur kawalan data peribadi peserta;
- vii. Kaedah penilaian, ujian atau kertas tugas (mana yang berkenaan) meliputi contoh soalan kuiz, tajuk pembentangan berkumpulan, pembentangan individu, kerja kursus dan lain-lain);
- viii. Perincian jenis pembelajaran yang diubahsuai bagi setiap kursus termasuk:
  - a. Jadual pembelajaran kursus setiap hari;
  - b. Bilangan jam yang diperuntukkan (*learning contact hours*);
  - c. Jumlah keseluruhan masa kursus; dan
  - d. Senarai tenaga pengajar;
- ix. SOP latihan praktikal di lapangan dan lawatan tapak mengikut SOP COVID-19 yang ditetapkan;
- x. Prosedur pemberian sijil peserta merangkumi:
  - a. Contoh sijil;
  - b. Ciri-ciri keselamatan pada sijil (termasuk kod QR, *watermark*, nombor siri dan lain-lain); dan
  - c. Prosedur penyimpanan rekod kebolehesanan (*traceability*).

**4. Bagaimana untuk membuat pertanyaan berkenaan isu kursus kompetensi secara atas talian?**

Sebarang pertanyaan berkaitan perkara di atas bagi kompetensi tertentu, sila berhubung dengan Bahagian seperti di bawah:

| <b>Bil.</b> | <b>Orang Yang Kompeten</b>              | <b>Bahagian Untuk Dihubungi</b>  |
|-------------|---|--|
| 1.          | Pegawai Keselamatan dan Kesihatan (SHO) | Encik Ahmad Nazri Bin Abd Kader<br>(Pengarah Bahagian Keselamatan Industri)<br><br>Tel: 03-8871 1318<br><br>Emel: ahmadnazri_k@mohr.gov.my |
| 2.          | Pengapit                                | Pn. Hazlina binti Yon<br><br>(Pengarah Bahagian Pengurusan Kimia)<br><br>Tel: 03-8886 5088<br><br>Emel: hazlina@mohr.gov.my                |
| 3.          | Juruteknik Higien I                     |  |
| 4.          | Penaksir Kualiti Udara Dalam            |  |
| 5.          | Penyelia Keselamatan Tapak Bina (SSS)   | Encik Nazruddin bin Mat Ali<br>(Pengarah Bahagian Keselamatan Tapak Bina)<br><br>Tel: 03-8886 6451<br><br>Emel: nazruddin@mohr.gov.my      |
| 6.          | Operator Kren                           |  |
| 7.          | Pengendali Perancah                     |  |
| 8.          | Doktor Kesihatan Pekerjaan (OHD)        | Dr. Ahmad Fitri b. Abdullah Hair<br>(Pengarah Bahagian Kesihatan Pekerjaan)<br><br>Tel: 03-8871 1272<br><br>Emel: ahmadfitri@mohr.gov.my   |

|     |   |  |
|-----|---|--|
| 9.  | Penaksir Risiko Bising                                | Ir. Ahmad Jailani Bin Mansor<br>(Pengarah Bahagian Higien Industri dan Ergonomik)<br><br>Tel: 03-8886 5616<br><br>Emel: ajailani@mohr.gov.my |
| 10. | Juruteknik Higien II                                  |  |
| 11. | Penguji Gas Bertauliah dan Penyelia Kemasukan (AGTES) |  |

**5. Adakah Jabatan Keselamatan dan Kesihatan Pekerjaan (JKKP) menjalankan pemeriksaan/verifikasi peralatan ke atas pendaftaran baharu pusat ujian audiometrik (PUA) dalam tempoh Perintah Kawalan Pergerakan Pemulihan?**

Ya. Walau bagaimanapun untuk negeri/kawasan yang masih pergerakan terhad kelulusan bersyarat akan diberikan.

**6. Adakah Jabatan Keselamatan dan Kesihatan Pekerjaan (JKKP) menjalankan pemeriksaan/verifikasi peralatan ke atas pusat ujian audiometrik (PUA) yang menukar peralatan audiometrik dalam tempoh Perintah Kawalan Pergerakan Pemulihan?**

Tidak. Walaubagaimana pun kelulusan bersyarat akan diberikan.

**7. Apakah syarat tambahan yang perlu dipenuhi bagi membolehkan pendaftaran baharu pusat ujian audiometrik untuk negeri/kawasan yang dilaksanakan Perintah Kawalan Pergerakan Diperketatkan?**

Permohonan pendaftaran baru perlu disertakan dengan video semasa pengukuran dan pemeriksaan ke atas bilik senyap dan peralatan audiometrik dijalankan dalam bentuk salinan cakera padat (CD) /pemacu pena (*pen drive*).

**8. Adakah pengujian audiometrik boleh dilaksanakan semasa tempoh Perintah Kawalan Pergerakan Pemulihan ini?**

Pengujian audimetrik boleh dilaksanakan dalam tempoh ini mengikut SOP yang telah ditetapkan. Pusat ujian audiometrik perlu memastikan sistem pengalihudaraan berfungsi dengan baik sama ada di dalam bilik senyap atau pun persekitaran luar bilik senyap. Walau bagaimanapun, pengujian audiometrik di kawasan yang **diisytihar Perintah Kawalan Pergerakan Diperketatkan adalah tidak dibenarkan.**

**JABATAN KESELAMATAN DAN KESIHATAN PEKERJAAN**

**10 JUN 2020**